



Պատասխանատու  
ՎԱՐՈՒԺԱՆ ՀԱՆԷՍՏԱՆ

ԽՄԲԱԳՐԱԿԱՆ ԿԱԶՄ

Վահե Ժամագործեան

Վաչե Մարաշեան

Կարօ Թիւթիւնեան

Ժիւլիոս Արապեան

Մակի Բարսեղեան

Սիրվարդ Սարգսնեան

Խ Մ Բ Ա Գ Ր Ա Կ Ա Ն

Յանդուգնութիւն է նման գործի մը ձեռնարկել. նկատի առնելով աշխատողներուն խճողուած առօրեան եւ պատասխանատուութեան մեծութիւնը:

Բայց որպէս սկաուտներ անհրաժեշտ կը նկատենք աշխատիլ: Աշխատիլ հայ սկաուտի կորովով որպէս զի մեր նախաձեռնած գործը յարատեւ է:

Իբրեւ սկաուտ կ'ուզենք ապացուցանել թէ մեր ջանքը պիտի ըլլայ մենք զմեզ սրբագրել եւ հասնիլ կատարելիութեան, որուն կը ձգտինք ու կը յուսանք հասնիլ, օժանդակութեամբ այն կազմակերպութեան, որուն անհատ միակորներն ենք մենք:

Ձենք կրնար անտեսել պատանէութեան տարիքը թեւակոխող հայ սկաուտին ճշմարիտ յոյզերը:

''Սկ. Ձայնը'' մեր սկաուտներուն կեանքն ու գործունէութիւնը պիտի պատկերացնէ իր էջերով:

''Սկ. Ձայնը, '' նախաձեռնութիւնն է Հ.Մ.Ը.Մ.-ի սկաուտներուն, բայց վստահ ենք որ պիտի ըլլայ նաեւ ''Ձայնը'' մեր գաղութի բոլոր հայ արիներուն: Սկաուտական, գրական, մարզական, եւ գեղարւեստական մեր յօդուածները նպատակ ունին օգտակար ըլլալ մեր բոլոր ընթերցողներուն հաւասարապէս:

Մեր այս նպատակը վայրկեանի հոգեփոխում չէ այլ պզտիկ, մանր բայց տպաւորիչ դէպքերու եւ դրուզներու կուտակումէն թելադրուած է:

Այս թերթով մենք կը որդեգրենք մեր միութեան նշանաբանը

ԲԱՐՁՐԱՅԻՐ ԲԱՐՁՐԱՑՈՒՐ

3620



ԸՆԴՀ. ԽՄԲԱՊԵՏԻՆ ԽՕՍՔԸ

Սիրելի

Գայլիկներ՝ արծուիկներ և սկաուտներ

Տարիներու մեր փայփայած երազը կ'իրականացնենք այսօր, հրատարակելով մեր սեփական Թերթը որ, հոգ չէ թէ բազմազրուած, կոչուած է դառնալու գեղեցիկ մէկ հանդիսարանը միութեանս նուիրական Գաղափարապետին, սկաուտական շարժման սկզբունքներուն ինչպէս նաեւ բոլորիս հարազատ ապրումներուն:

Առիթ պիտի ունենանք յաճախ արտայայտուիլ այս էջերէն, փոխանցելով ձեզի մեր խօսքը որ ձեւով մը պատգամն է այն սերունդին որ շահակիրը դարձաւ միութեանս եւ սկաուտական գաղափարախօսութեան:

Սիրելիներ, այսօր, առաջին իսկ թիւով, կ'ուզեմ կոչ ուղղել ձեր բոլորին անխտիր որ վերանորոգէք ձեր հաւատքը որ Թերեւս փորձութեան հովերէն տատանած է ու նաեւ տժգունած: Տակաւին շատերու չէք գիտեր թէ որքան դառն է կեանքը ու նոյն ատեն որքան հրապուրիչ: Որպէսզի կարենաք կուրծք տալ կեանքի հաճարումէկ դժուարութիւններուն, հարկ է որ ունենաք կուռ հաւատք առանց որուն կրնաք դիւրաւ ընկճուիլ առաջին իսկ հարձածին:

Հաւատացէք ուրեմն, սիրելի պատանիներ, նախ դուք ձեզի, ձեր մէջ ծաղկող բարի ու աղուոր զգացումներուն եւ կարողութիւններուն, զորս եթէ ի գործ դնէք ձեր առօրեայ կեանքին մէջ, կը դառնաք սիրելին ձեր ծրնորքին, ձեր ընկերներուն եւ հաւաքականութեան:

Հաւատացէք ապա Աստուծոյ, անոր գերազույն Զօրութեան որ անզկիզը է ու անվախճան, որ մարմնացումն է գեղեցիկին ու բարիին: Անսպառ աղբիւր է ան բոլոր առաքինութեանց առանց որոնց մարդ արարածը պիտի դառնար զազան: Դուք որ կոչուած էք դառնալու նոր օրերու ասպետներ, ձեր կրծքին տակ պիտի պահէք քանդակուած աստուածային Տասնաբանեան, մեր Դաւանանքը, եւ զայն ի գործ պիտի դնէք ամէն օր, առանց բացառութեան: Գործել բարիք մը ամէն օր:

Հաւատացէք ի վերջոյ մեր անզուգական ժողովուրդին, անոր ծով տառապանքին, հերոսական պատմութեան, անոր մեսրոպաշունչ մշակոյթին, եկեղեցիին ու լեզուին:

Ձեր երդումը որ խտացումն է այս ճշմարտութեանց, պիտի պահէք ձեր սրտերուն մէջ անխաթար: Ու որպէսզի ձեր ազնիւ զգացումները ժանգչկապեն ու չտկարանաք երբեք յուսահատութեան պահերուն, յիշեցէք անմիջապէս ձեր նշանաբանը՝ «ԱՐՁՐԱՑԻՐ ԲԱՐՑՐԱՑՈՒՐ» կամ «ՄԻՇՏ ՊԱՏՐԱՍ»:

Արդ հետեւեցէք համոզումով եւ մեծ սիրով սկաուտութեան, ուր պիտի լսէք միշտ ձեր խղճին ձայնը, պիտի զգաք ճշմարտութեան ներկայութիւնը եւ ապրիք մեր ժողովուրդին յոյսով:


Ուրեմն հաւատք դէպի ձեր անձը, դէպի Աստուած եւ հայութիւն:

Ընդհ. Սկ. Խմբապետ

Հալէպ, 21-12-1964

*[Handwritten signature]*

ՀԱՅ ԿԱՊԻՆԻԻ ՏՕՆԱԿԱՏԱՐՈՒԹԵԱՆ ԱՌԱՆԴՈՒԹԻՒՆԸ



Կր պատմուի, թէ հին դարերու շրջանին Յոյներու թագաւորը տեսնելով Հայոց Բարսեղ Հայրապետին գործունէութիւնը, կ'ուզէ վարձատրել զայն: Ուստի, իր պատաճաճաւորներուն հետ մետաղիայ ջանկարժէք ընծաներ կը ղրկէ հայրապետին:

Բարսեղ հայրապետ երբ նուէրները կ'ըստանայ կ,ուզէ ինք եւս պատուել թագաւորը: Հետեւաբար, կ'որոշէ նշխար եւ խունկ ղրկել: Թագաւորը երբ կը տեսնէ այս նուէրները, սաստիկ բարկացած պողալով կ'ըսէ իր պատաճաճաւորներուն, ինչ, ես անօթի եմ որ հացի կտորներ ղրկած է ինծի: Ապա, կը հրամայէ, որ բոլոր հայերը սուրէ անդնին:

Այս միջոցին, Պարսիկները կը յարձակին Յոյներու վրայ: Թագաւորը իր բանակը առած կ'ուղղուի դէպի պատերազմի դաշտ: Վերադարձին կ'որոշէ իր որոշ շումը գործադրել:

Բարսեղ հայրապետ երբ կ'իմանայ այս լուրը, կը հաւաքէ հայ ժողովուրդը եւ կը պատմէ ինչ որ պատահած էր. ապա կ'աւելցնէ. 'Սիրելի ժողովուրդ մի յուսահատիք, Աստուած միշտ մեզի հետ է: Անոր նշխարի եւ խունկի արժէքը չի դիտեր ուրեմն անկէ ինչ կ'ըսասէք: Վստահ եղէք որ մենք կ'ընանք փրկուիլ թշնամիին ձեռքէն: միայն ազօթքի միջոցաւ':

Ժողովուրդը իր պատրաստութիւնը տեսնելէ ետք կ'ուղղուի դէպի որոշուած քառայրները ապաստանելու, եւ ժամանակը կ'անցնեն ազօթքով:

Յաջորդ առաւօտ երբ Բարսեղ Հայրապետ կ'ազօթքէր տեսիլք մը կը տեսնէ: Հրեշտակ մը ձեռքը արիւնոտ սուր մը բռնած, հայրապետին կ'ըսէ. 'Թշնամիդ պարտուեցաւ Պարսիկներէն'. հայրապետը մեծ ուրախութեամբ կը վազէ ժողովուրդին քով այս աւետիսը տալու. ապա կ'աւելցնէ. 'Այսօր մեզի համար նոր տարի է. այժմ կը շնորհաւորեմ ձեր նոր տարին եւ բարի կաղանդը':

Ժողովուրդը ուրախութեամբ կը տօնէ կաղանդը եւ նոր տարին, իրենց ունեցած չոր մրգեղեններով:

Այս պատահարին հետեւանքով հայ ժողովուրդը դարեր շարունակ կը տօնէ նոր տարին, յարգելու համար հայ ժողովուրդի աւանդութիւնը:

Հալէպ, 29-12-1964

Սեդա Սիմոնեան



Օգոստոս 29

Մարզանքէն փրկուեցայ:  
Վրանին մէջ երկարած Թէյս կը խմեմ:  
Հոն, մշուշին մէջ առողջները կը մարզուին:  
Այսօր այցելուները կարծես խօսքերնին մէկ ըրած վայրկեան  
մը հանգիստ չձգեցինմեզ:

Օգոստոս 30

Վաղ առաւօտեան ժամը 3-ին ճամբայ կելլենք դէպի Ծոփ.տասնը-  
ուԹը քիլոմետրէն է ճամբան: Լաւ քալողի մը համար երեք ժամ բաւարար է:  
Եօթը ժամէն հասանք...: Վերադարձին մոլորեցանք...: Մինչեւ մայր ճամբան  
գտնենք, բաւական ժամանակ կորսնցուցինք: Տասն երկու ժամ տեւեց վե-  
րադարձը: Ժամը մէկին բանակավայր էինք...: Ահա այսպէս, Ծով տեսնելը մե-  
զի շատ սուղի արժեց:

Օգոստոս 31

Երէկուան յոգնութիւնը ուժաօրէնած է բոլորս ալ. հանգիստի օր  
շնորհուած է մեզի: Յոգնած սրունքներս չեն ձգեր ոչ իսկ վայրկեան մը,  
որ հանգիստ քնանամ:  
Անկողնիս մէջ կը տապալտկիմ...:

Սեպտեմբեր 1

Կիրակի է: Որոշուած է եկեղեցի երթալ Պատարագող քահանան կար-  
ծես քաջալերուած է եկեղեցին սկառուներով լեցուն տեսնելով: Վերադարձին  
Յակոբիկը փոսը իյնալով ծունկը վիրաւորեց: Իրիկնամուտի Բեհեթի փո-  
ղին մեղեդին կ'երկարէր դիմացի ձախերը եւ երազներու աշխարհներ կը  
շնորհէր մեր պատանի սրտերուն...:

Սեպտեմբեր 2

Այսօր դիմացի գիւղը հրավիրուած ենք: Զորակին մէջ կը բխի  
սառնաշուր աղբիւրը: Երբ ըսին որ աղբիւրին ըրվ կազմուած պզտիկ աւա-  
զանին մէջ Սուրէն ինկած էր, վազեցինք ոռպտիսզի փրկենք զինք խեղճուելէ:  
Բայց... ահա Սուրէն, ամբողջութեամբ Թրջուած, աւազանին մէջ սմբած Բ  
մեզի կը նայի...: Կէսօրուան ճաշը համեղ ոճխար մը եղաւ...:

Սեպտեմբեր 3

Փողին ձայնը կը Թնդացնէ լեռներն ու ձորերը: Կը նետուինք  
վրաններէն դուրս. մարզանքի ժամն է: Քնացողներուն պատիժներ կը սահ-  
մանուին. մինչ մենք կ'անցնինք մարզարան դիմացի կալը: Նախաճաշը Գէյին  
հետ երկու կարկանդակ եւ կոոր մըն ալ պանիր: Նախաճաշէն ետք ձեռային  
աշխատանքի պահն է: Բայց ես զբաղած եմ շուկայի զնումներով: Մբուկ  
չկայ գիւղը, պէտք է Բեսապ իջնեմ: Ճաշը 'Թիւրլի' է Թէեւ համով չ'ըլլար  
բայց անօթի եմ: Ընթրիքին, հաց ու ձիթապտուղ ունինք:

Սեպտեմբեր 4

Մարզանքի մասնակցողներուն մէջն էի, տասը տիկ շուր կրեցի աղ-  
բիւրէն ամբար: Ջղայնացած առաւօտեան պատիժէն վճռեցի վրանէն դուրս չ'ել  
լեւ: Կէսօրին նպառտվաճառէն սահածոյի տուփ մը գնեցի եւ օողցուած հա-  
ցով մը փորս լեցուցի, բայց միշտ դադտնի:

Խօսք Սփիւրթի ՀայուԹեան

Ես, որպէս ծաղիկն Արազի ափին,  
Նայում ջրերին, կարօտում դեռ,  
Դուք որ հեռացաք այն սեւ օրերին, -  
Դուք չէք կարօտում, իմ հեռաւորներ,  
Իմ պանդուխտ հայեր:

Նայում Սեւնայ երազ ծովակին,  
Նայում կարօտով, կարօտում եմ դեռ,  
Կարծես նայում եմ մօրս աչքերին, -  
Դուք չէք կարօտում, իմ հեռաւորներ,  
Իմ պանդուխտ հայեր:


Նայում Մասիսին մեր նուիրական,  
Հալուել եմ ուզում կրծքին ալեհեր,  
Ինչքան նայում եմ կարօտում այնքան, -  
Դուք չէք կարօտում իմ հեռաւորներ  
Իմ պանդուխտ հայեր:

Ու երբ մի գիշեր չեմ տեսնում նրանց,  
Թւում է ձեր հետ որբ եմ կարեւեր,  
Դուք ինչպէս օտար աշխարհներ ընկած  
Զէք մեռնում վշտից, իմ հեռաւորներ,  
Իմ պանդուխտ հայեր:



Յ. Շիրազ

Պատասխան Շիրազին



Մենք հայ պանդուխտներ, օտար ափերում,  
Մայրենի լեզուով եմք գրում ենք, խօսում,  
Մենք որ ծնած ենք օտարի հողում,  
Մենք մեր օրրանից ախեր ենք քաշում,  
Հայաստան կանչում....:

Նայում Սեւնայ լուսեղ պատկերին,  
Նայում հռաչում պակասած ջրին,  
Քր նուազել է մեք երակներին,  
Ու մենք լալիս ենք մեր հոգու խորքից,  
Բացուած վէրքերից....:

Նայում Մասիսի սրբազան ձիւնին,  
Որքան նայում ենք կատաղում այնքան;  
Անարդար ժամին հարցում ենք տալիս,  
Թէ ինչպէս թողեց զայն վայրագ թուրքին,  
Անաստուածներին....:

Դու լաւ իմացիր, ով մեծ բանամտեղծ,  
Մենք չենք ընկճուի, մենք չենք մահանայ,  
Սեի բախտի զարկից չենք սարաբի երբեք,  
Մենք ճամբու եզրին պատրաստ կ'ըլլանք  
Հայրենիք կերգենք....:

Յվհ. Զէյթունցեան

# Երևանի Գրադարանի Գրադարան

-ինչ է սկաուտական շինութիւնը?  
-Սկաուտական շինութիւնը մանկավարժական դպրոց մըն

է, որ կ'ընդգրկէ փոքրերը, պատանիները եւ երէցները, ուր որոշ դասաւանդութիւններով կը դաստիարակուի պապայ հաւատարիմ քաղաքացիները:

-ինչ է հիմը:  
-Հիմը սկաուտական դաւանանքն է:  
-ինչ են իտէալն ու սկզբունքը:  
-Սկզբունքն է հաւատարիմ մնալ իր դաւանած կրօնքին, եզրուին ու ազգին, փաստ երդումը: Իտէալն է յարաճուն զարգացումով պի բաղձունք եւ օգտակար նպատակներու որդեգրում, ուր պիտի շեշտուին հաստատամտութիւն, հայրենասիրութիւն եւ կեանքի խորհուրդ:

-ինչ է սկաուտական շինութեան կարելոր մասնիկը:  
-Անիկա դաւանանքին տասներորդ յօդուածն է: Սկաուտը մաքուր է մտածումով, խօսքով եւ գործքով:

-ինչ կը մարզէ սկաուտութիւնը:  
-Սկաուտութիւնը կը պատրաստէ առողջ մարմին, օրհասկանալի մարզանքները, շնորհիւ, անոր առընդեւ կը զարգացնէ առողջ եւ միտք, որ կարող ըլլայ գիտութեան պաշարը աւելցնելու:

Ահաւասիկ այն բոլոր առաւելութիւնները որոնք սկաուտական շինութեան մասնիկներն են: Միտքով մը, որ մարմնակրթարան մը ըլլալէ զատ նաեւ դաստիարակչական է: Միտքով մը, որ ազգային ըլլալով հանդերձ միջազգային է: Անիկան բեմ մըն է, որուն վրայ կը բարձրանան սկաուտներ, զանազան ցեղերէ, առանց կրօնքի եւ դաւանանքի խտրութեան: Կարելի է անտեսել համամարդկային նկարագիր ունեցող այս շինութիւնը: Միտքով մը, որ իր նմանը չունի մարդկութեան պատմութեան մէջ: Կերտուածք մը որուն մէջ կը համախմբուին պատանիներ եղբայրական նոյն զգացումներով տոգորուած: Սակայն տեսնենք թէ ինչ տեղ կը գրաւէ մեր սկաուտական շարժումը միջազգային այս ընդարձակ շինութեան մէջ: Հակառակ անոր՝ որ սկաուտական շարժումը լայն ընդունելութիւն գտած է մեր ժողովուրդի խաւերուն մէջ, սակայն դժբաղդաբար չունինք մեր արտաքին Միջազգային Սկաուտական Գրասենեակին մէջ, որովհետեւ չունինք պետականութիւն:

Մեր սկաուտական շինութիւնը ազգային նկարագիր ունի: Ան ոչ միայն կը ձգտի պատրաստել մարդը այլ անոր մէջ կը կերտէ հայ մարդը ջենք կրնար երբեւիցէ անտարբեր գտնուիլ դէպի այս շարժումը: որ մասնաւորաբար այս օրերու ամենակարելոր անհրաժեշտութիւններէն մէկն է մեզի, ներկայ սերունդին համար:

Գալով միջազգային սկաուտական կազմակերպութեան, ուրի կեդրոնական մարմին մը, Լոնտոնի մէջ, որ երկու տարին անգամ մը կուեննայ իր համագումարը, ուր կը քննուին միջազգային սկաուտական հարցերը. ընդհանրապէս ճամպորհներու վերաբերեալ: Առաջին միջազգային տեղի ունեցաւ Լոնտոնի մէջ 1920 թին: Բանակումը

Հունիս 28 1964





Նկատելով որ մեր Ֆուլբուրի առաջին խումբը պիտի ունենայ Սուրբիոյ Ախոյանութեան վերջին մրցումը, մրցում մը, որ առիթը պիտի տայ անգամ մը եւս փաստելու իր հաշւոյն եղած գնահատանքին ու քաջալերանքին իրաւ արժանի ըլլալը:

Բայց տեղին է յիշել որ յաղթանակները միակ ապացոյցը չեն խումբին գնահատման եւ արժեւորման: Ոչ մէկ խումբ, ոչ մէկ խաղացողք դաշտ կիշն է պարտուելու համար, ճիշդ է, բայց իր գլխաւոր նպատակը յաղթել պիտի չըլլայ. պէտք է նկատի ունենայ հանդիսականներէն ու պարտաւորութիւն ունենայ խաղ ցուցադրելու:

Մեր խաղացողները գիտեն ու համոզուած են որ դաշտին վրայ անհատ գոյութիւն չունի, կայ խումբ. իսկ խումբը կազմուած է տասն եւ մէկ միաւորներէ. որեւէ մէկուն Թերութիւնը կը վնասէ ամբողջութեան:

Այսօր երբ մենք ունինք համակիրներ, սիրողներ, գնահատականներ եւ յաղթանակներ, արդիւնք են վերը յիշուած համոզումին որուն վրայ կաւելնայ մեր միութենէն ներս օրէնք դարձած սիրոյն: Ընդհանուր զգացում մը, որ իր զգրութիւնը ընդարձակած է միութենականէն մարզական նոյնիսկ մինչեւ անհատներու առօրեան:

Հետեւեալը:

Մենք, առաջին խումբի ներկայացուցիչներ, նոր Տարուան առիթով ամրացնենք մեր համոզումներն ու զգացումները: Արժէւորենք մեր անձերը որ Հ.Մ.Ը.Մ. ականներ եւ առաջին խումբի ներկայացուցիչներ: Գիտակցութիւնը ունենանք մեր վրայ դրուած յոյսերուն եւ մեր լման կարելիութիւնները չխնայենք զանոնք արդարացնելու համար:

Հ.Մ.Ը.Մ. ի Ֆուլբուրի  
Առաջին խումբի խմբապետ

Խմբագրութիւն. — Այս առիթով, խմբագրութիւնս յարմար նկատեց հարցապատասխանի տեսակցութիւն մը ունենալ խմբապետին հետ:

Հարցում. — Ինչո՞ւ խումբը որդեգրած է — Տալլը վէ Էմ — ի նախագիծը:

Պատասխան. — Նկատելով որ խաղացողները ունին իրենց առօրեայ յոգանեցուցիչ աշխատանքը, վերոյիշեալ նախագիծը լաւագոյնը կը նկատենք: Իսկ 4-2-4 նախագիծը դիւրին իւրացուելիք նախագիծ մը չէ. որովհետեւ ատկա կը պահանջէ տասնմէկ տոկուն խաղացողներ, որոնք պէտք է խաղան 90 վայրկեան առանց յոգնելու: Աշխարհի ախոյեան Պրազիլիոյ ազգային խումբն իսկ երբեմն կը դժուարանալ այս նախագիծի գործադրութեան մէջ:

Հարցում. — Կրնաք մեզի տալ այս տարուան ձեր ունեցած մրցումներուն արդիւնքներուն պատկերը:

Պատասխան. — Ունեցած ենք 8 բարեկամական եւ 5 Ախոյանական մրցումներ: Առաջիններուն վեցը յաղթած ենք իսկ երկուքը՝ կորսնցուցած: Ախոյանական մրցումներու չինքն ալ յաղթած ենք:

Հարցում. — Հաճեցէ՞ք մեզի տալ Մուլթիզի մրցաշարքին պատկերը:

Պատասխան. — Ըսեմ որ մեր խումբը 4րդ մրցումով ապահովեց Հիւս.

Սուրբիոյ ախոյանութիւնը: Իսկ Հ.Մ.Ը.Մ. ի պատկերը հետեւեալն է. —

Ա. — Հ.Մ.Ը.Մ. — Վասպուրական	4-0	.....	2 կէտ
Բ. — Հ.Մ.Ը.Մ. — Ղազի	2-0	.....	2 կէտ
Գ. — Հ.Մ.Ը.Մ. — Հասպրէ	0-0	.....	1 կէտ
Դ. — Հ.Մ.Ը.Մ. — Ահլի	1-0	.....	2 կէտ

Երբ. Անդրանիկ աւելցուցա՞ր որ վարչութիւնը Ֆուլբուրի խումբին համար նշանակած է երկու պատասխանատուներ, որոնք ամէն շաբթի գործ կը դնեն խումբի վերելքին ի նպաստ: Խումբս իր լման կազմով շնորհակալութիւն կը յայտնէ պատուարժան վարչութեան եւ բոլոր համակիրներուն:



ՄԱՐԶԱԿԱՆ ԼՈՒՐԵՐ

1- Հ.Մ.Ը.Մ.ի Թուրքոլի Ա. խումբը, Կիրակի 27 դեկտեմբերի, կեսօրէ ետք ունեցաւ Ահլի ի դէմ Մուսթէզի մրցաշարքին վերջին մրցումը: Խաղը ընթացաւ մարզական համերաշխ մթնոլորտի մը մէջ եւ վերջացաւ Հ.Մ.Ը.Մ.ի յաղթանակով: Յաղթութեան կէտը նշանակուեցաւ երկրորդ կիսախաղին ՃՕՐՃԻ կողմէ: Այս յաղթանակով Հ.Մ.Ը.Մ. ապահովեց հիւս. Մուրիոյ ախոյանութիւնը:


- 2- Դամասկոսի Միտէն եւ Շէպէպ խումբերը 1-1 հաւասար մնացին:
- 3- Մուրիոյ պասքէթի աւարտական մրցումը յետացգուած է ՂՈՒԹԱՅԻ առաջարկով: Սոյն մրցումը տեղի պիտի ունենայ Ուրբաթ 25 դեկտեմբերին Հալէպի մէջ:
- 4- Անգլիոյ Թուրքոլի ախոյանական մրցումներուն ԹՈՒՅՆՅՄ յաղթեց ՄԵԹՆՅՄԻ 2-1 արդիւնքով:
- 5- Անցեալները Գանատայի մէջ տեղի ունեցած էին քննաշարքի մրցում մը ուր առաջնութիւնը ապահոված է ԱՍԹԻԻՐ անունով ինքնաշարք մը որուն վարիչին անունն է ՃՈՆ ՃԵԼՎՁ:
- 6- Վերջերս Դամասկոսի մէջ սկսած է տեղի ունենալ ձիւտոյի մրցումներ:
- 7- Ռուսիա եւ Անգլիա Աթլէթի միջազգային հանդիպում մը ունեցան Անգլիոյ մէջ: Այս հանդիպումին Ռուսերը յաղթական դուրս եկան: Թէքնիք Արդիւնքներ

---

110 մ.	անգլիարշաւ	էրէնա Բրէս	Ռուսիա	
400 մ.	դրօշարշաւ	44,9	Ռուսիա	
1 քայլ	ոստում	աղջիկներ	6,68	Ռուսիա
1500 մ.	վազք	Բորտրն	Անգլիա	
Բարձրութիւն	2.21	վալերի	Պրումել	

- 8- Եւրոպայի հեծիքի ախոյանական մրցումներուն վալանթին շահած է ախոյանութիւնը:
- 9- Յառաջիկա Ուրբաթ Դամասկոսի մէջ պիտի մրցին Լիբանանի Ռասինկ եւ Դամասկոսի Թէճի խումբերը:
- 10- Ռուսիոյ Թուրքոլի ախոյանական մրցումներուն Տինամօ եւ Թորսիտօ 1-1 հաւասար մնացած են: Խաղի երկու կէտերն ալ նշանակուած են կիսախաղէն ետք:

Անդրանիկ Պահարեան  
*[Signature]*



Մարդը Ջոր չսպաննեցի

1940-ին էր: «Առաջին» Լեռան վրայ էինք. երբ հրահանգ ստացանք խուզարկել Թշնամի դիրքերը: Անմիջապես ճամբայ ելանք: Ամեն ինչ դժուար էր: Պատերազմ: Մենք, զինուորայիններս, պարտաւոր էինք լսել ամենափոքր շշուկն իսկ: Աճապարանքով ուղղուեցանք դիմացի ձորերն ու դաշտերը: Ամեն կողմ ամայու-թիւն կը տիրէր: Լռուածիւնը հետզհետէ կը Թանձրանար, կը խորանար, պղտորե-լով մեր միտքերն ու զգացումները: Մօտեցանք Թշնամի գիծերուն. սկսանք սողալ. բայց ինչ, կարծէք մերկ պառկած ըլլալինք գետնին վրայ, այնքան որ ցուրտ էր. ձիւնի փաթիլները ուրիշ աշխարհէ մը եկած ըլլալ կը Թուէին: Ձիւնկարծ նշմարեցի մարդ մը, 70 մետր հեռաւորութեամբ փոսի մը մէջ: Գերմա-նացի զինուոր մըն էր: Ընկերներս իրենց զէնքերը բարձրացուցին. նշան ըրի, որ ինծի ձգեն:

Հրացանս ուղղեցի անոր, որս մը կրակի բերնին վրայ: Մէկ աչքս զոց նշան առի այս անծանօթին, որուն ղէմքը չէր երեւեր գլխուն փաթիլուած վիզնոցին մէջէն: Սակայն հազիւ Թէ փլթակը քաշելու վրայ էի, երբ զինուորը սկսաւ ցատկոտել անդամները շարժելով:

Թուարած նշանս կորսնցուցի: Հետաքրքրուածեանս հետ զգացումս ալ զարգացաւ: Մտածեցի Թէ ինծի պէս մարդ մընէր ան ալ, որ կը տառապէր ցուր-տէն: Մարդ մը, որ կը ջանար պաշտպանուիլ անգուց ցուրտէն. մարդ մը որ մոռցած էր պատերազմը բոլորովին: Այլեւս չկրցայ հրացանս անգամ մը եւս ուղղել անոր. չփորձեցի վեր առնել կրկին: Նշան ըրի ընկերներուս որ հանգ-չին:

Տարօրինակ այս դէպքը մնաց յիշողութեանս մէջ աղօտ լոյսի մը նման:

1943ին «Մոնթաուպան» կայանին մէջ շոքեկառքի կը սպասէի, երբ վաշտ փոխադրող շոքեկառք մը կեցաւ առջեւ: Գերմանացի զինուորայիններ շրջապատեցին կառքը հսկողութեան համար: Վախի զգացում մը առթնցաւ մէջս: Յանկարծ յիսուէն մետր հեռաւորութեան վրայ նշմարեցի արագահարուածով օժտուած զինուոր մը: Նոյն այդ զինուորը Թուեցաւ ըլլալ. ան որուն կեանքը խնայած էի: Վստահ էի որ ինքն էր ու ինքնամեղադրանքի զգացում մը ունեցայ, զինք սպաննած չըլլալու համար:


Ձինադար էր: Միջազգային յարաբերութիւնները իրենց բնական ընթացքը առին: Գիշեր մը բացօդեայ հաւաքոյթի մը ընթացքին կրկին տեսայ նախկին Թշնամիս փաթիլուած նոյն վիզնոցին մէջ: Իսկոյն գլխու պտոյտ մը ունեցայ:

Ճիշդ այս անորո՞ւ հոգեվիճակին մէջ էի, երբ ընկերս զիս իրեն ներկայացուց: Առաջին անգամ ըլլալով մօտէն կը տեսնէի զինք: Շուտով բա-րեկամացանք:

Մեր խօսակցութեան ընթացքին, զգացի որ սրտին մէջ բան մը տեղի կ'ունենար. յետոյ կրցայ յստակօրէն գիտնալ Թէ խղճի խայթս էր, որ կը հան-դախէր: Այն ատեն գերագոյն ուրախութիւն մը պարուրեց զիս իր կեանքը խնայած ըլլալուս համար: Անգուց ցուրտը, որ տառապեցուց մեզ բոլորս պատ-հառ եղաւ նաեւ, որ մենք հետագային լաւ բարեկամներ ըլլալինք:

Ինչպէս հեզնել բարեկամութիւն մը ցորուն հիմքը համամարդկա-յին ազնիւ զգացումներ են: Մեր մէջէն ով կրնայ սպաննել իր ընկերը, երբ զինք լաւ կը ճաչնայ որպէս մարդ: Անանուն աւագակը միայն չի հասկնար մարդկային զգացումները. եւ իրեն համար տարբերութիւն չեն ըներ ոչ մը-շակը, ոչ գծագրիչն ու գրագէտը, խղճի խայթ չի տար ոչ ընտանիքը, ոչ ալ պատիկները եւ իրեն համար միեւնոյնն է ցուրտ եղած է Թէ՛ տաք, անօթի Թէ՛ սառած, սարսափով պատուած Թէ՛ յոյսով սպասող:

Յիշատակը, որ մնաց ինծի գերմանացի զինուորին դէպքէն, ուրիշ բան չեմ ախ, եթէ ոչ ճանաչումը մարդկայնական այն զօրաւոր խորհուրդին, որով բոլոր երկիրներու մարդիկ կը գիտնան արժէքը մարդ արարածին, եւ անոր մէջ բարեկամը կը տեսնեն: Ինչ փոխան Թշնամիին եւ այնու-հետեւ պատարազմ տեղի չունենար:



ՄԻՋԱԶԳԱՅԻՆ ՄԿԱՌԻՏԱԿԱՆ ԼՈՒՐԵՐ

1.- "Պիոներ Կանչ", Հինգըթի Դեկտեմբերի 1964

Թանկագին պատանի հայրենակիցներ, ձեզմէ շատերը վստահ որ տեղեակ են այն մրցանակաբաշխութենէն, զոր կազմակերպեց մեր Թերթը 1964-ի Մարտ-Յունիս Ամիսներու ընթացքին: Հարցումը հետեւեալն էր ինչպէս կը պատկերացնէք ձեր Մայր Հայրենիքը: Հարցումը ուղղուած էր արտասահման ապրող հայ պատանիներուն: Ոմանք պատասխանեցին նկարներով, ուրիշներ շարադրութիւններով, երգերով եւ կամ բանաստեղծութիւններով: Բոլորն ալ ջերմ նամակներ էին: Այս մրցման մասնակցողներէն լաւագոյն հինգը Միւրեյ Տէր Յովհաննիսեանը, Միսաք Գրաչեանը Ֆրանսա, Լիլա Իմաստունեան եւ Անի Ջելէպեան Լիբանան Կարպետ Յաթուրեան Սուրեա հրաւիրուեցան Հայաստան: Վերջինը, անհատապէս պատճառաւ չկրցաւ մասնակցիլ այդ շրջապտոյտին: Միւսները Պատեցան Հանրապետութեան զանազան քաղաքները. հանդիպումներ ունեցան հայ գրողներու, երաժիշտներու. Հանգստացան Պիոներական ամառնային ձամբողներու մէջ:

Մրցման մասնակցող այլ պատանիներ որոնք լաւապէս պատասխանած էին մեր հարցումին պարզեւտրուեցան զանազան նուէրներով:

Օգոստոս ամսուան վերջաւորութեան, կրկին անգամ ըլլալով քննեցինք պատասխանները եւ քաջալերուած անոնց արդիւնքէն որոշեցինք շարունակել տարեկան այս մրցանակաբաշխութիւնը: Մեր Թերթի նախաձեռնութիւնը քաջալերեց նաեւ սփիւռքահայութեան հետ կապ պահող մշակութային կոմիտէն, կանոնաւորութելով մեր աշխատանքները:

Պատանի բարեկամներ, հակառակ դժուարութեան ձեզմէ ոչ մեկը ծնած է իր իսկական հայրենիքին մէջ: Շատերու մէջէն միայն քանի մը հոգիի Հայաստանը տեսնելու բախտը ներկայացած է: Բայց Հայաստանը կ'ապրի ձեր մէջ: Իր պատկերը ձեր սրտերուն մէջ գծած են ձեր ծնողները, ուսուցիչները հայրենի գրականութիւնը մեր երգերը: Այդ պատկերը կ'ամբողջանայ հայրենիքի խապրիկներով: Արդ, ձեզի կ'առաջարկենք կրկին անգամ հետաքրքրուիլ ձեր տրամադրութեան տակ գտնուող զանազան աղբիւրներով եւ արտագրէք ձեր ապրումները: Ինչպէս ըփփփք այդ արտագրումը կրնայ ըլլալ բանաստեղծութիւն մը, գծաքրքուցիւն մը շարադրութիւն մը, պատմուածք մը երգ մը: Մեզ շատ կը հետաքրքրէ Թէ դուք ինչ գիտէք Հայաստանի մասին. որքանով տեղեակ էք հոն տեղի ունեցող փոփոխութիւններու մասին: Եթէ ձեր այս միտքերուն աւելցնէք հայրենակարօտի ջերմ ապրումները արդիւնքը ճշմարիտ ու գեղեցիկ կ'ըլլայ:

Որոշեցինք անցեալ տարուան նման մեկ հարցումով գոհանալ:

2.- Միջ-Արաբական վեցերորդ բանակումին Սուրիական Արաբական Հանրապետութեան հարկային կոմիտէի 160- անդամներէ: Սոյն բանակումը տեղի ունեցաւ Ապուլիի մէջ-Եգիպտոս- եւ տեւեց 21 օր: Սոյն բանակումին իրենց մասնակցութիւնը բերած էին 13 Արաբական Քերկիրներ: Մասնակցողներու թիւը 4000 ի կը մօտենար: Սուրիական պատուիրակութեան մաս կը կազմէին Ռիթը հայ սկաուտներ, Բանակումի ընթացքին երկիրներու պատուիրակութիւնները այցելեցին Եգիպտոսի տեսարժան վայրերը:

Միջ-Արաբական բանակումը տեղի կ'ունենայ Իսրայէլի ամէն երկու տարին անգամ մը: Յաջորդ բանակումը տեղի պիտի ունենայ Լիպիոյ մէջ:

186-2001

ԹՈՒՆՊԱՆՈՐՈՒՄ

1.- Սուճիկէ.- Անմիջապէս փսխել տալ ենթական եւ տալ 15 կրամ Սիւրճիկաթ Տը Սուտ, երեք գաւաթ գաղջ ցուրի մէջ լուծուած, տասը վայրկեանը անգամ մը: Ցետոյ բժիշկը կանչել:

2.- Սչէ.- Անմիջապէս խայտուած տեղէն քիչ մը վեր թաշկինակով մը լաւ մը սեղմելով կապել. սուր զմեւիով կամ ածելիով քիչ մը արիւնել վէճը եւ մատներով ճնշել արիւնը դուրս հանելու համար: Վէրքը ծծել եւ Թքնել, պայմանաւ որ ծծողին բերանը վէրք կամ սկրդուք չունենայ, այլապէս ինք կը Թունաւորուի: Ենթակային տալ զօրաւոր սուրճ կամ Թէյ, նոյնիսկ քիչ մը ալքոլ: Վէրքը քացախով կամ ամոնիակ եաքով լուալ, կարմրած երկաթով այրել:

3.- Կատղած շունէ.- Վէրքը կարմրած երկաթով եւ անմիջապէս բժիշկին դիմել:

Ծանօթ.- Կատղուութեան նշաններն են.- Կատղած շունը կառանձնանայ, չուտէր, չի խմէր, չի հաշեր, պոչն ու ականջները կախուած վիճակ մը կունենան. աչքերը պղտորած եւ կարմիր կըլլան. ու լեզուն դուրս կը կախուի բերնէն, որ կը փրփրի:

Խայտուածք

1.- Եղիճէ.- Ցաւը կը մեղմանայ, եթէ այրուած տեղին ամոնեաք քսուի:

2.- Մժեղէ.- Խայտուած վայրը կիտրոնի կտոր մը դնել:

Գ

1.- Կլթիկ.- Բժին երկու ծակերը մատներուն միջեւ սեղմելով գոցել եւ միեւնոյն ժամանակ առանց շընչելու կէս գաւաթ ջուր խմել: Պարբերաբար շնչառութիւնը կեցնելն ալ օգտակար է:

Արեւէն այրած.- Քացախախառն կաթով լաւ մը չշփել քորքորած մասը: Քառորդ լիդը կաթ եւ մէկ դգալ քացախ: 3.- Հարբուխ.- Ռուսներուն ներսի կողմը լեմոնի յոյզ քսելը շատ օգտակար կըլլայ:

4.- Բերանի Գարշահոտութիւն.- Ածուխ կլլլել. ականները միշտ մաքուր պահել. փտած ականները կամ լեցընել եւ կամ քաշել տալ:

5.- Գլխու Պտոյտ.- Լուծողական առնել:


6.- Գլխու Ցաւ.- Եթէ պնդութենէ առաջ եկած է, լուծողական առնել: Ուրիշ պարագայի ասքրօ առնել եթէ չանցնի նորէն առնել:

7.- Ստամոքսի Թոռուիլ.- Շաքարով քսանս Տը Մանթ եւ սօտա: 15-20 կրամ հում սիսեռ կլլլելն ալ լաւ արդիւնք կու տայ:

8.- Արիւնահոսութիւն.- Կղկղանքին հետ երբեմն խառն մուր գոյնով արիւն կու գայ աղիքներէն: Նման պարագաներու սառոյց կլլլել:

9.- Փորի Ցաւ.- Փորին վրայ տաք ջուր եւ կամ տաք քար դնել:

10.- Սոնքութիւն.- չափէն աւելի զիրութիւն. Բացօդեայ կեանք. միշտ քալել, մարմնամարզ մարձում եւ հեծանիլ: Զգուշանալ պարարտ եւ բորոկածնային սնունդներէ. ուտել մանաւանդ բանջարեղէն. ոգելից ըմպելի երբեք չգործածել:



Մ Ի Ջ Ա Ջ Գ Ա Յ Ի Ն Դ Է Մ Ք Ե Ր

Շ Է Յ Ք Ս Փ Ի Ր

Շէյքսպիրի ծննդեան թուականը չէ արձանագրուած. կայ միայն իր կնուներ թուականին յիշատակումը; 1564 Յպրիլի 26 : Ստրաֆֆորտի մէջ գոյու-  
թիւն ունին մօտաւորապէս քառասուն վկայաթուղթեր մինչեւ Շէյքսպիրի  
մահուան թուականը 1616 որոնք ունին նոյն անունը:

Շէյքսպիրի շրջանին ապրող թատերագիրներէն մասին այնքան տե-  
ղեկութիւններ որքան Շէյքսպիրի, բացի Պէն- ձոնսնէն:

Բայց պէտք է զանազաններ իրականութիւնները անհուղութիւններէն:  
Ասոնցմէ մէկը կ'ըսէ թէ 'Սթրաֆֆորտի տղան', սպանած է բարձր դասակար-  
գէն մէկուն եղնիկներն ու նապաստակները եւ այս պատճառով փախած Լոն-  
տոն: Ասիկա անհուղութիւն է Բայց պէտք է ընդունի որ պէս իրականութիւն:  
Լոնտոնի մէջ իր ապրիւստը կ'ապրէր ձեռքի խնամելով:

Մայրը Մէյրի Արտըն դուստրն էր ազնուական կալուածատէրի մը. իսկ  
հայրը, որ ձեռնոցի եւ ազարակի յատուկ առարկաներու վաճառական էր, որ-  
դին էր նոյն գործով զբաղով վաճառականի մը:

Շէյքսպիր կամուսնանայ Ան Հաթուէյի հետ 1582ին: 1585ին կունե-  
նայ երեք եղբայրներ:

Շէյքսպիրի ծնունդը սքանչալի է. ամուսնութիւնը տանելի. բայց երբ  
ոչինչ ունինք իր Սթրաֆֆորտէն Լոնտոն մեկնումին եւ իր դատերգութեան  
ասպարէզի ընտրութեան շուրջ, ողբալի է եւ պէտք է խոստովանինք:

Ամէն պարագայի, 1592 ին, Շէյքսպիր գրած է եւ ապրուստը կը հոգար  
դերակատարութեամբ:

Թէեւ 1593 էն 1594 Շէյքսպիր գրած է բանաստեղծութիւններ 'Վե-  
նիս եւ Ատոնիս' եւ 'Լիւքրիսի Բռնաբարութեամբ' իր գրական գործունէու-  
թիւնը ամբողջովին նուիրած է թատրոնին:

Շէյքսպիրի առնչին ութը թատերգութիւնները չեն կրեր իր անունը:  
1598-էն ետք է ԲԲ միայն որ կը ներկայանայ իր անունով: Նոյնիսկ այն կը-  
տորները որոնք իր հեղինակութիւնները չեն:

Իր թատերգութիւններուն երբ գրուած ըլլալը յայտնի չէ. կարելի է  
հետեւցնել նիւթերէն: Եւ կամ ներկայացուած թուականներէն:



Համբաւի տիրանալէ ետք ոչ միայն ապրուստի մտահոգութիւն չէ ու-  
նեցած, այլեւ կրցած է լաւ դրամ շահիլ եւ ճոխ կանք մը վարել:

Կեանքի վերջի շրջանը անցուցած է Սթրաֆֆորտի մէջ, ուր ունե-  
ցեր է իր սեփական տունն ու կալուածները:

Մեռած 1616 ին եւ թաղուած Սթրաֆֆորտի եկեղեցիին մէջ: Տապանա-  
քարին վրայ գրուած է հետեւեալը. —

Օրհնեալ ըլլայ այն անձը, որ կը խնայէ  
այս քարերուն  
եւ անիծուի ան, որ կը շարժէ ոսկորներս:

Թրգ. Ա. Վասիլեան



Սկսուտական ժամանց

ԽԱՂ.— Գիտնալ թէ ժամը քանի է:

Այս խաղը կը կոչուի 'ժամացոյց': Խաղին կը մասնակցին 13 հոգի: Մեծ շրջագիծ մը կը գծենք ու մասնակցողներէն 12ը կը շարուին շրջանակին վրայ իսկ մէկը կանցնի կեդրոնը իր հետ ունենալով զնդակ մը: Կը սկսի խաղավայրին մէջ դառնալ ժամացոյցի սլաքի ուղղութեամբ: Գննողակը կը նետէ ռժին վրայ կեցողներէն մէկուն: Այս վերջինը պէտք է անմիջապէս զնդակը վերադարձնէ կեդրոն: Կեդրոնի տղան անմիջապէս զնդակը կը նետէ ուրիշ խաղացողի մը, այս վերջինը պէտք է անմիջապէս ըսէ թէ ժամը քանի է: Այն պատասխանողը, որ կ'ուշանայ իր պատասխանին մէջ կը ստանայ համապատասխան պատիժ:

ԵՐԳ.—

ԵՐԳ ՆՈՐ ՏԱՐՈՒԱՅ

Հիւսիւս, արեւելք, հարաւ, արեւմուտո  
Ելէք բարեւէք տօն է տարեմուտ,  
Թէ հազար պլպուլ այս գիշեր երգի  
Ելի քիշ է քեզ իմ սիրուն երկիր  
Բաժակներ առէք կարմիր գինով լի,  
Խմենք ազգերի կենաց սիրով լի  
Թէ հազար պլպուլ այս գիշեր երգի  
Ելի քիշ է քեզ իմ սիրուն երկիր

Թող ոչ մի իրողի յանդուխտ չլինի  
ձամբէն ճամբորդի սեւ թուխպ չլինի  
Թող ցաւ չլինի եւ ոչ մի տան մէջ,  
Թող ուրախ շողան օճախներն անշէջ:  
Բաժակներ առէք.....

Նոր տարին բերի աղբիւրներ կարկաչ,  
Մեր ծով դաշտերին վարդեր ու կակաչ  
Թէ հազար պլպուլ այս գիշեր երգի  
Ելի քիշ է քեզ իմ սիրուն երկիր:  
Բաժակներ առէք.....

Այս երգը կարելի է սորվիլ նոր Տարուան հաւաքոյթի յայտագրին մաս կազմող որեւէ սկսուտէ:

Հ Ա Ր Յ Պ Պ Տ Ա Ս Խ Ա Ն

- 1.- Պատմութեան մէջ Հայոց թիւը քանի միլիոնի բարձրացած է:
- 2.- Որքան էր ջարդէն առաջ:
- 3.- Որքան էր Պատմական Հայաստանի տարածութիւնը:
- 4.- Որքան է Արդի Հայաստանի տարածութիւնը:
- 5.- Ուր սպաննուեցան ԶՕՀՐԱՊ ԵՒ ՎԱՐԴԳԷՍ:
- 6.- Ով սպաննեց:
- 7.- Ով? Երբ եւ ուր հրատարակեց առաջին հայերէն լրագիրը:
- 8.- Ինչ էր լրագիրին անունը:
- 9.- Երբ տեղի ունեցաւ միջազգային առաջին ողիմպիականը:
- 10.- Ուր:
- 11.- Ով առաջին անգամ կտրեց Մանշը լողալով:
- 12.- Քանի ժամէն:
- 13.- Ով առաջին անգամ հիմնեց Պասքէթպոլի առաջին խումբը:
- 14.- Ինչ կը կոչուի հայկական առաջին ֆութպոլի խումբը:
- 15.- Ուր հիմնուեցաւ:
- 16.- Որ թուականներուն հնարուած են: Ա.- Օդապարիկը: Բ.- Լուսնկ. Մեք.
- 17.- Որ թուականին կնքուեցաւ Պատմութի դաշնագիրը:
- 18.- Ամփոփ ձեւով ներկայացնել զայն:

Այս մրցումին կրնան մասնակցիլ թիրթին բոլոր ընթերցողները հաւասարապէս:

Հաւագոյն ձեւով պատասխանողը պիտի ստանայ նուէր մը:

Պատասխանները պէտք է բերուին թերթիս խմբագրատունը եւ կամ տրուին խմբակրական կազմէն մէկուն:

Սոյն հարցումներուն պատասխանները պէտք է հասնին մինչեւ Յունուարի 10-ը:

Հարցումներուն պատասխանողները պէտք է պատասխանին միացնեն ստորեւ գտնուող կտրոնը:

Խմբագրութիւն

Ա. Հարցարանի կտրոն





ԵՆՈՒՆԴԻ ԱՌԻԹՈՎ . . .

Սրբացուած սովորութիւն մը յարգելով, այս տարի եւս կուգանք յիշել տալու հայ ժողովուրդին որ ասկէ 1965 տ. չի առաջ Աստուածուհիւն մը մարմնացաւ Բէթլէհէմի մէջ: Յիշեցնել միայն որովհետեւ ասիկա կը կրկնուի անյիշատակ ժամանակներէ ի վեր:

Սակայն այս գաղափարը անպայման նոր իմաստ կ'առնէ ամէն անգամ եւ իւրաքանչիւր անհատի մօտ: Այլապէս, մարդը, հետեւելով իր բնազդացած ծուլութեան, շատոնց պիտի հրաժարէր ամուլ 'ճիգէն': Եթէ անշուշտ նկատի չունենանք նիւթի գործած աւերները, նոյնքան նշանաւոր պարապաբանութեան սիրահարներուն: Աւեր կ'ըսենք հակառակ անոր որ շատ բան չունին աւերուելու իրենց ուղեղներուն մէջ:

Այսօր, այժմ առիթով, խուժմը մը տղաք, սկառւտներ, յարգելի ձգտում մը ունին բարձրանալու փողոցայինքն: Անոնք պիտի գան զարնելու ձեր դռները նիւթական օժանդակութիւն ստանալու իրենց այժմ շատ քաջալերելի եւ վեհ նպատակին համար:

Բոլորդ ալ գիտէք հայ սկառւտին նպատակը, որ այնքան սերտօրէն կ'ապուած է ընդհանուր սկառւտութեան:

Ուրեմն:

Կը հրաւիրենք բոլոր հայ հասարակութիւնը քիչ մը ազգայնական ու մարդկային ձեւով բանալ իրենց ակերը . . .

Երբ պէտք է:



Սկսում տական Արձագանգ

—Անցեալամսուն սկսում ենք ստուգել թիւ մը փոխադրած էր իր վերջին յարգանքը մատուցանելու երէց սկսում եղբոր, Անդրանիկ Պոյաճեանին, որ այն—

քան կանուխ կը բաժնուէր մեզմէ: Եղբ. Անդրանիկ իր պատանութեան եւ իրիտասարդութեան տարիները ան—  
ցուց որպէս նուիրուած միութենական: Իր մտերիմները, բարեկամներն ու ծա—  
նօթները կողքան դառնալէտ եւ վաղահաս մահը իրենց սիրելի եղբոր:  
Հողը թեթեւ գայ վրադ սիրելի եղբայր:

—Երկար տարիներէ իվեր երազուած եւ ծառայուած մտածումը այս տարի իրականացաւ շնորհիւ Սկսում տական Խորհուրդին յարատեւ հետապնդումին եւ սկսում ենք աշխատանքին:

27 Դեկտեմբերի առաւրտուն զոյգ բաժիններու սկսում ենք եւ արծուիկ—  
ներ անցուցին իրենց 'Սկսում Սկսում' քննութիւնը, թուով 100 :  
Կը յուսանք որ այս աշխատանքը պիտի շարունակուի եւ մեր բոլոր սկսումները պիտի ստանան իրենց վկայականները եւ ճանչցուին Սկսում տական Կեդրոնէն:

—Տարեկան ընդունուած սովորութեան համաձայն այս տարի եւս քաղաքի բաժ—  
նի արծուիկները ունեցան իրենց կազանդի հաւաքոյթը Հայկազեանի մասնկապար—  
տէզի սրահին մէջ Կիրակի, 27 Դեկտեմբերի յետ միջոցին:

Հաւաքոյթը ունէր խնամքով պատրաստուած յայտագիր մը, որ զործադրու—  
թեան դրուեցաւ եւ ամբողջ ժամեր ուրախ մտնուորտի մէջ պահեց բոլոր արծու—  
իկները:

—Պատասխանելով Սկսում տական Կեդրոնին հրահրին Խորհուրդը տրամադրեց 50 սկսում—  
արծուիկներ, որոնք Հինգշաբթի 31 Դեկտեմբերին ներկայ եղան եւ իրենց մասնակցութիւնը բերին, ծառ տնկելու հանդիսութիւններուն:

Սոյն հանդիսութեան ներկայ էին շրջանիս յարգելի նահանգապետը եւ այլ պաշտօնական մարմիններու պատասխանատուներն ու ներկայացուցիչները:

Մեր սկսումներն ու արծուիկները սիրով տարին այս, թէեւ յոգնեցուցիչ բայց հաճելի աշխատանքը, յիշելով, կրնանք դաւանանքի այն յօդուածը որ կ'ըսէ.—  
'Սկսում տը

ՆՈՒՐԱՏՈՒՈՒԹԻՒՆ

Եղբ. Անդրանիկ Պոյաճեանի մահուան տխուր առիթով խմբագրութիւնս ստացաք հետեւեալ գումարները.—

- 1.— Եղբ. Զոհրապ Պոյաճեան . . . . . 50 Ս.Ո.
- 2.— Պր. Յակոբ Զաթմաքճեան . . . . . 25 Ս.Ո.

Խմբագրութիւնս իր խորին շնորհակալութիւնը կը յատնէ սոյն երկու նուիրա—  
տուներուն:

3620

صَوْتُ الْكَيْشَانِ

نُزْةٌ وَوَرِيَّةٌ لِلْفَرْجِ الْكَيْشَانِ مَسْرُومَةٌ  
حَلْبٌ

